

zemljišta sa nedovršenim poslovnim objektom, čija će vrijednost biti utvrđena od strane ovlaštenog sudskog vještaka.

Član 11.

Kupac se može uknjižiti kao vlasnik, tek nakon što izmiri sve finansijske obaveze prema Općini Centar, odnosno uplati u propisanim rokovima cjelokupnu prodajnu cijenu zemljišta i iznos naknade za rentu.

Član 12.

Ova odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 01-49-1439/16
26. jula 2016. godine
Sarajevo

Predsjedavajući/po OV
broj 01-49-1137/14
Dr. Nedžad Ajnadžić, s. r.

Ova Odluka je objavljena na Oglasnoj ploči Općine Centar dana 09.08.2016. godine.

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo na 53. redovnoj sjednici održanoj dana 26.07.2016. godine, donijelo je

**URBANISTIČKI PROJEKAT
"TEHNIČKI FAKULTETI - KOŠEVO"**

Član 1.

Usvaja se Urbanistički projekat "Tehnički fakulteti - Koševo" (u daljem tekstu: Plan).

Član 2.

Plan se sastoji od tekstualnog i grafičkog dijela.
Tekstualni dio sadrži:

- Odluka o provođenju Urbanističkog projekta "Tehnički fakulteti - Koševo"
- Tehnički opis

Grafički dio sadrži:

- **Faza urbanizam:**

1.	Izvod iz projektnog programa	1:1000	
2.	Ažurna geodetska podloga		1:500
3.	Postojeće stanje		1:500
4.	Karta rušenja		1:500
5.	Urbanističko rješenje		1:500
6.	Osnova partera	1:500	
7.	Mreža građevinskih i regulacionih linija		1:500
8.	Idejni projekti objekata	1:200	

Elaborati:

- Analitička obrada građevinskih parcela,
- Idejni projekat saobraćaja,
- Idejni projekat hortikulture,
- Idejni projekat snabdijevanja vodom i odvodnja otpadnih i oborinskih voda,
- Idejni projekat toplifikacije - gasifikacije,
- Idejni projekat elektroenergetike i javne rasvjete,
- Idejni projekat TK mreže.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Centar i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-49-1441/16
26. jula 2016. godine
Sarajevo

Predsjedavajući/po OV
broj 01-49-1137/14
Dr. Nedžad Ajnadžić, s. r.

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo, na 53. redovnoj sjednici održanoj dana 26.07.2016. godine, donijelo je

ODLUKU

O PROVOĐENJU URBANISTIČKOG PROJEKTA "TEHNIČKI FAKULTETI - KOŠEVO"

Član 1.

Ovom Odlukom utvrđuju se uvjeti korištenja, izgradnje, uređenja i zaštite prostora te način provođenja Urbanističkog projekta "TEHNIČKI FAKULTETI - KOŠEVO" (u daljem tekstu Plan), a naročito: granice prostorne cjeline, urbanističko-tehničkih i uslova za izgradnju planiranih građevina, uređenje građevinskog zemljišta, uvjeti uređenja parternih javnih površina, uvjeti uređenja zelenih površina, uvjeti za realizaciju planiranog saobraćajnog rješenja i saobraćaja u mirovanju.

Član 2.

Granica obuhvata polazi od tačke br. 1 koja se nalazi na parceli k.č. 2124/1, a ima koordinate $y=6533533$, $x=4858132$, zatim produžava na sjever idući ulicom Patriotske lige k.č. 2124/1 i dolazi do tačke br. 2 koja se nalazi na pomenutom putu, a ima koordinate $y=6533526$, $x=4858489$, potom se lomi na istok idući međom parcele k.č. 38 (obuhvata je), i dolazi u tačku br. 3 koja se nalazi međi između parcela k.č. 38 i 40/1, a ima koordinate $y=6533565$, $x=4858450$, potom ide na sjeveroistok sijekuci u pravoj liniji parcele k.č. 40/1 i 2103 i dolazi u tačku br. 4 koja se nalazi na međi između parcela k.č. 2103 i 34/1, a ima koordinate $y=6533628$, $x=4858468$, zatim produžava na jug idući ulicom Stjepana Tomića (obuhvata je) k.č. 2103 i dolazi do tačke br. 5 koja ima koordinate $y=6533844$, $x=4858156$. Granica obuhvata produžava na jugozapad idući putem k.č. 2104 (ne obuhvata ga) i dolazi u tačku br. 6, koja se nalazi na međi između parcela k.č. 2104 i 50/1, a ima koordinate $y=6533695$, $x=4858105$, lomi se na sjever sijekuci u pravoj liniji parcele k.č. 50/1, 50/8, 50/9, 50/121 i 50/2 i dolazi do tačke br. 7 koja ima koordinate $y=6533677$, $x=4858159$, potom skreće na zapad idući planiranom saobraćajnicom (obuhvata je) i dolazi do tačke br. 1, odnosno mjesta odakle je opis granice i počeo.

Sve gore navedene parcele se nalaze u K.O. Sarajevo IV, Centar.

Površina obuhvata iznosi $P=6,5$ ha.

Član 3.

U sklopu obuhvata ovog Plana definisane su zone sa slijedećim namjenama:

- Zona specijaliziranog gradskog centra tehničkih fakulteta,
- Zona kolektivnog stanovanja,
- Zona saobraćajne infrastrukture.

Urbanističko-tehnički uslovi za izgradnju specijaliziranog gradskog centra tehničkih fakulteta

Član 4.

Regulaciona linije i parcelacija

- Regulaciona linija, utvrđena ovim Planom se ne može mijenjati.
- Planom utvrđena regulaciona linija ograničavaju površinu građevinskog zemljišta neophodnog za funkcionisanje i korištenje specijaliziranog gradskog centra tehničkih fakulteta.

Građevinska linija

- Planom utvrđena građevinska linija se ne može preći niti jednim dijelom planiranih građevina.

Spratna visina i etaže objekata

- Planirana spratnost i visina objekata utvrđene su Planom i ne mogu se mijenjati.

- Spratnosti planiranih objekata su suteran, prizemlje i sprat (SPI).

- Planom je predviđena izgradnja jedne poluukopane garaže.

Ostali urbanističko-tehnički uslovi

- Utvrđene visinske kote podova prizemlja građevine se moraju poštovati uz toleranciju od $\pm 0,15$ cm.
- Uređaji i instalacije koje su u funkciji građevine moraju se smjestiti u okviru osnovnog gabarita objekta.
- Osnovna namjena građevina se ne može mijenjati.
- Ukoliko nova namjena pogoršava stanje prirodne sredine promjena se ne može odobriti.
- Ograđivanje cjelokupnog kompleksa ili pojedinih segmenata se može odobriti i izvesti transparentu im ogradnim plohamu za prethodno urađeni idejni projekat koji će se dostaviti Zavodu za planiranje razvoja Kantona Sarajevo na stručno mišljenje.
- Lociranje i izgradnja privremenih objekata u zoni eksperimentalno tehnološkog poligona se može odobriti isključivo za potrebe izvođenja nastave, obrazovanja i rada instituta.

Arhitektonsko oblikovanje

- Objekat u arhitektonskom oblikovanju treba da predstavlja jednu cjelinu u pogledu materijalizacije i dizajna, uz primjenu savremenih materijala.

Urbanističko-tehnički uslovi za izgradnju unutar zone kolektivnog stanovanja

Član 5.

Regulaciona linije i parcelacija

- Regulaciona linija, utvrđena ovim Planom se ne može mijenjati;
- Planom utvrđena regulaciona linija ograničavaju površinu građevinskog zemljišta neophodnog za funkcionisanje i korištenje objekata unutar ove zone

Građevinska linija

- Planom utvrđena građevinska linija se ne može preći niti jednim dijelom planiranih građevina.

Spratna visina i etaže objekata

- Planom utvrđene spratnosti i maksimalne visine planiranih objekata se ne mogu mijenjati. Izuzetno se može odobriti umanjenje broja etaža, odnosno visine objekta.
- Spratnosti planiranih objekata su prizemlje P, zatim podrum, prizemlje i dvije etaže (PoP2) za poslovni objekat auto servisa, te suterenske etaže, prizemlje, sprat i tavan (2SPI T) za poslovni objekat uz ulicu Stjepana Tomića.
- Unutar ove zone planirana je izgradnja podzemne parking garaže sa urbanim mobilijarom i biološkom komponentom.

Ostali urbanističko-tehnički uslovi

- Osnovna namjena građevina se ne može mijenjati. Izuzetno, može se odobriti promjena namjene dijela ili građevine u cjelini ukoliko je nova namjena u skladu ili kompatibilna sa osnovnom namjenom građevine.

Član 6.

Objekti koje se zadržavaju mogu se rekonstruisati i redizajnirati u okviru postojećeg horizontalnog i vertikalnog gabarita.

Za stambene zgrade na adresi Bolnička broj 13, 17, 19 i 21 predviđene su najstrožije mjere zaštite što znači očuvanje ovih objekata u cjelini i detaljima odnosno očuvanje autentične forme i materijala (stolarija, fasadna plastika, detalji ograde od kovanog željeza, itd). Predviđene metode zaštite su: konzervacija, sanacija, rekonstrukcija i restauracija. Ne dozvoljava se izgradnja mansardi, iznimno se dozvoljava uspostava stambenog potkrovlja i to bez krovnog nadzotka u dijelu tavana, bez bada, maksimalno sa krovnim prozorima uz zadržavanje izvornog oblika te karakterističnih kota objekta. Sve intervencije na ovim objektima moraju imati saglasnost i kontrolu kantonalnog

Zavoda za zaštitu kulturno-historijskog i prirodnog naslijeđa Sarajevo.

Stambenu zgradu na adresi Bolnička broj 15 i stambeno-poslovnu zgradu na adresi Bolnička broj 23 potrebno je očuvati u zatečenoj formi i gabaritima, te očuvati arhitektonsko-stilske karakteristike. Nivo intervenisanja treba da ima isključivo karakter tekućeg održavanja. Nisu dozvoljena nova nadzidivanja. U dijelovima gdje su narušene arhitektonske osobnosti moguće je intervenisanje savremenim sredstvima u smislu podizanja arhitektonskih kvaliteta objekta (planski redizajn elemenata fasade za objekte u cjelini). Sve intervencije na ovim objektima moraju imati saglasnost i kontrolu kantonalnog Zavoda za zaštitu kulturno-historijskog i prirodnog naslijeđa Sarajevo.

Član 7.

Sve arhitektonske građevine predviđene za izgradnju ovim Planom moraju biti projektovane i izvedene prema uvjetima predviđenim za 8° MCS skale.

Član 8.

Izgradnja i lociranje privremenih objekata na području koje obuhvata Plan se mogu odobriti isključivo za potrebe izvođenja radova na gradilištu.

Privremeni objekti podignuti za potrebe gradilišta se moraju ukloniti prije početka tehničkog prijema građevine.

Član 9.

Uređenje građevinskog zemljišta se mora izvršiti u obimu i na način kako je to predviđeno ovim Planom. Izgradnja građevina se ne može započeti bez prethodno izvedenog minimalnog uređenja građevinskog zemljišta pod čime se podrazumijeva prvenstveno realizacija Planom predviđenog saobraćajnog rješenja, priključenja na vodovodnu, kanalizacionu i elektroenergetsku mrežu te eventualno izmještanje vodova komunalne infrastrukture.

Član 10.

Uređenje zelenih površina se mora izvršiti prije tehničkog prijema arhitektonskih objekata.

Član 11.

Privremeno korištenje površina u području obuhvaćenom Planom se ne može odobriti ni u koje svrhe.

Član 12.

Uslovi za sklanjanje stanovništva i materijalnih dobara moraju biti obezbijedjeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", 21/05).

Član 13.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje nivelete pješačkih saobraćajnica, kao i prilazi i ulazi u

građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 14.

Ova Odluka stupa na snagu osmog dana od objavljivanja u "Službenim novinama Kantona Sarajevo".

Broj 01-49-1442/16
26. jula 2016. godine
Sarajevo

Predsjedavajući/po OV
Broj 01-49-1137/14
Dr. Nedžad Ajnadžić, s. r.

Općinski načelnik

Na osnovu člana 26. Zakona o ustanovama ("Službeni list RBiH", br. 6/92, 8/93 i 13/94), člana 4. tačka 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 34/03 i 65/13), člana 11a. Odluke o promjeni oblika organizovanja Javnog preduzeća "Centar za sport i rekreaciju" Sarajevo u Javnu ustanovu ("Službene novine Kantona Sarajevo", br. 27/02, 31/07, 2/08, 31/14, 40/15 i 48/15) i člana 69. stav 2. Statuta Općine Centar Sarajevo - prečišćen tekst ("Službene novine Kantona Sarajevo", broj 23/04), te Zaključka Općinskog vijeća broj 01-52-1/16 od 14.7.2016., Općinski načelnik donosi

RJEŠENJE

**O RAZRJEŠENJU I IMENOVANJU VRŠIOCA
DUŽNOSTI PREDSEDNIKA UPRAVNOG ODBORA
JAVNE USTANOVE "CENTAR ZA SPORT I
REKREACIJU" SARAJEVO**

I

HAMDİJA HASANOVIĆ, razrješava se dužnosti predsjednika Upravnog odbora Javne ustanove "Centar za sport i rekreaciju" Sarajevo, na lični zahtjev.

II

EMIR IBRAGIĆ, imenuje se za vršioca dužnosti predsjednika Upravnog odbora Javne ustanove "Centar za sport i rekreaciju" Sarajevo, do okončanja procedure javnog oglasa, a najduže na period do tri (3) mjeseca.

III

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 13-49-1400/16
26. jula 2016. godine
Sarajevo

Općinski načelnik
Dževad Bećirević, s. r.

OPĆINA ILIDŽA

Općinsko vijeće

Na osnovu člana 90. i 101. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 09/14 - ispravka, 13/14, 08/15, 91/15 i 102/15) i člana 28. Statuta općine Ilidža - Prečišćeni tekst ("Službene novine Kantona Sarajevo", broj 33/10 i 18/16), Općinsko vijeće Ilidža, na 41. redovnoj sjednici održanoj dana 03.08.2016. godine, usvojilo je

IZVJEŠTAJ

**O IZVRŠENJU BUDŽETA OPĆINE ILIDŽA
ZA PERIOD 01.01. - 30.06.2016. GODINE**

I

1.	Ukupno ostvareni prihodi i primici	12.051.638,03
2.	Ukupno ostvareni rashodi i izdaci	11.063.757,37
3.	Razlika između ostvarenih prihoda i primitaka i rashoda i izdataka	987.880,66